

內務

東三省總督徐前署黑龍江巡撫程會奏江省請設司缺派員試署  
並陳變通辦法摺

一百九十六

三月

署地方審判廳推事長民政部外城巡警總廳六品警官廖世經試署地方檢察廳檢察長其許世英廖世經二員應請暫留原缺原俸以示體恤並飭該署司隨時督同各該員等妥慎辦理此外熟諳新舊法律及於審判事理確有經驗者不分京外實缺及候補候選或係奏咨調用或係留奉當差人員均經切實考查詳細甄擇由該署司呈明臣等札委分派各廳以備任使至初級各廳檢察官即分委各巡警局之巡警官暫行兼辦一可以節省經費一可以實資補助部署既定遂於十二月初一日一律開辦茲據該署司轉呈前來臣等伏查奉省地曠人稀易滋奸宄命盜重案層見疊出又風氣不開民情頑健間有不肖官吏利用其執法行私之伎倆恣爲奸貪久則習若故常毫無顧忌案牘之積壓胥吏之騷擾更無論矣此吏治因循民生困苦所由早在 聖明洞鑒茲值司法獨立實行之始種種積弊自應掃除廓清雖成效未易驟期而精神已爲一振況奉省交通便利將來法律改良可以鞏固憲政新設各廳當爲嚆矢開辦以後如該員等果能勤慎盡職再行開列銜名請旨簡授並分別奏請補署咨明吏部法部立案以昭慎重其有未盡事宜仍由臣等督飭該署司率同該員等隨時斟酌以期妥善謹 奏奉 硃批著照所請該部知道欽此

東三省總督徐前署黑龍江巡撫程會奏江省請設司缺派員試署並陳變通辦法摺

竊查江省幅員遼廓物產豐饒百廢待興得人而理臣世昌於本年十月二十日行抵齊齊哈爾省城與臣德全晤商辦法仍以設官分職明定責成爲目前之要務惟是江省土廣人稀天寒地僻自哈爾濱以北荒涼滿目有亘數百里不見居民者至一省所入歲不及五十萬近年舉辦各政皆恃荒價以爲挹注一切經營悉同草昧而員司俸糈微薄又不足以贍給賢材故論現在情形不患有冗曠之官而苦無民可治其難處又不獨無行政之費且恐無以養官此種艱難無論內地行省迥然不同卽揆諸奉吉兩省亦覺較難措手臣等再四籌酌惟有查照前奏官制量爲變通蓋既不敢踵事增華致來虛位之誚尤不敢因陋就簡至無舉職之人查奉省司道各缺除交涉司江省事務本簡旗務蒙務二司尙須體察情形另籌辦法均請暫從緩設外民政爲地方自治之權輿提法有司法獨立之關繫度支爲通省財政之樞紐自應一律增設與原有之提學共爲四司巡警則江省城鄉居民並少擬不設道缺歸民政司兼辦並以從前之工司併入勸業在江省最爲切要而諸務並無萌芽擬亦不設道缺暫由提學司經理江省學務經該司張建勳苦心勸導粗具規模學業本屬相通使之盡心擘畫不難兼顧有餘提法司卽以現有之分巡道兼按察使銜裁改度支司則以善後局及從前之戶司併入似此變通辦理庶幾損益得宜以上各缺卽應派員試

內 務

東三省總督徐前署黑龍江巡撫程會奏江省請設司缺派員試署並陳變通辦法摺

一百九十七

戊申

內 務

東三省總督徐吉林巡撫朱會奏吉省請設司道各缺派員試署摺

一百九十八

三月

署。茲查有軍機處存記二品銜直隸候補道倪嗣沖器局闊通才猷練達堪以試署民政司使現任黑龍江分巡道兼按察使銜秋桐豫謹慎老成熟諳律意堪以試署提法司使二品銜候選道談國楫學識開敏勤幹有爲堪以試署度支司使仍由臣等認真察看如其果能勝任再行請旨簡授至參贊所領之承宣諮議兩廳事務江省原由文案處辦理三年尚臻妥洽現在僉事科員議員等暫難添設擬酌設祕書官與原有之委員分任其事並將從前之印務處併入其各司以下各官亦均暫用委員以歸簡易謹奏奉 硃批著照所請該衙門知道欽此

東三省總督徐吉林巡撫朱會奏吉省請設司道各缺派員試署摺

竊臣世昌於本年十一月初七日行抵吉林省城與臣家寶接晤籌商一切並及官制辦法伏念吉省爲我朝根本重地實居三省之中文化久開民生較富長春一府又縮南北要衝交通既繁形勢尤爲扼要比之江省各事俱有規模比之奉天地方亦尙爲完善徒以官吏不能整頓積弊叢滋現在不能不急圖治理查吉省現有提學提法兩司其吉林分巡道一缺自應遵照奏定外省官制裁撤此外應增設者吉省交涉事件現在正關緊要將來吉長通行鐵路諸務更繁各國商民必且日多一日亟應設立專司經理以交涉局附入